

萬有文庫

第二集七種

王雲五主編

植物名實圖考

附植物名實圖考長編

(二十)

吳其濬著

商務印書館發行

植物名實圖考

附植物名實圖考長編

(二)

吳鼎澄

國學基本叢書

植物名實圖考長編卷之九

固始吳其濬著

蒙自陸應穀校刊

隰草

蓼

女青

葶藶

旋覆花

青葙子

篇蓄

蒴藋

艾

小薊

虎杖

白囊荷

蛇含

連翹

夏枯草

草蒿

蘼草

陸英

王不留行

惡實

大青

葶藶

苧根

附種苧法
苧蘇圖譜

苧略

苦芙

馬鞭草

蘆根

附陸疏廣要兼蘆

苧實

鱧腸

即旱蓮草

水蓼

龍葵

芭蕉

牡蒿

鼠尾草

蒲公英

三白草

劉寄奴

蓼馬蓼

本草經蓼實味辛溫主明目溫中耐風寒下水

氣面目浮腫癰瘍馬蓼去腸中蛭蟲輕身

爾雅蒿蓼蓼註虞蓼澤蓼

別錄蓼葉無毒歸舌除大小腸邪氣利中益志生雷澤

川澤陶隱居云此類最多人所食有三種一是紫蓼相

似而紫色一香蓼亦相似而香並不甚辛而好食一是

青蓼人家常用其葉有圓者有尖者以圓者爲勝所用

卽是此乾之以釀酒主風冷大良馬蓼生下濕地莖斑

隔草卷之九 藜馬藜

葉大有黑點亦有兩三種其最大者名龍鼓卽是葶草
已在上卷中品

蜀本草圖經藜類甚多有紫藜赤藜青藜馬藜水藜香
藜木藜等其類有七種紫赤二藜葉小狹而厚青香二
藜葉亦相似而俱薄馬水二藜葉俱闊大上有黑點木
藜一名天藜蔓生葉似柘葉諸藜花皆紅白子皆赤黑
木藜花黃白子皮青滑

藥性論云藜實使歸鼻除腎氣兼能去癰瘍葉主邪氣
又云食之發心痛令人寒熱損骨髓小兒頭瘡搗末和
白蜜又和鷄子白塗上蟲出不作癰若霍亂轉筋取子
一把香鼓一升先切葉以水三升煮取二升內鼓汁中
更煮取一升半分三服又與大麥麵相宜

圖經藜實生雷澤川澤今在處有之藜類甚多有紫藜
赤藜一名紅藜青藜香藜馬藜水藜木藜等凡七種紫
赤二種葉俱小狹而厚青香二種葉亦相似而俱薄馬
水二種葉俱闊大上有黑點此六種花皆紅白子皆青

黑木藜一名天藜亦有大小二種蔓生葉似柘花黃
白子皮青滑陶隱居云青藜入藥然其藜但堪食人以
馬藜爲葶草已見上條餘亦無用蘇恭以水藜亦入藥
水煮搗脚者多生水澤中周頌所謂以薺茶藜爾雅所
謂薺虞藜是也又三茅君傳有作白藜醬方白藜藥譜
無聞疑卽青藜也或云紅藜亦可作醬

齊民要術曰三月可種藜性甚易生藜尤宜水畦
種也藜作蒨者長二寸則剪絹袋盛沈於醬甕中又常
更剪常得嫩者若待秋子成而落莖取子者候實成速
取之性易凋零五月六月中藜可爲蠶以食晚則盡落寬崔寔曰
正月可種藜家政法曰三月可種藜

本草綱目李時珍曰韓保升所說甚明古人種藜爲蔬
收子入藥故禮記烹雞豚魚鼈皆實藜於其腹中而和
羹膾亦須切藜也後世飲食不用人亦不復栽植造酒
麴者用其汁耳今但以平澤所生香藜青藜紫藜爲良
曲舊聞漆洧之源出馬嶺今在河南府永安界號玉

仙山歷城東南爲溱洧其水清有魚數種土人不善施網罟冬積柴水中爲罾以取之以擣澤蓼雜煮大麥撒深潭中魚食之輒死浮水上可俯掇久之復活謂之醉魚云

爾雅翼蒿虞蓼郭氏云卽蓼之生水澤者也蓼類甚多有紫蓼赤蓼青蓼馬蓼水蓼香蓼木蓼等紫赤二蓼葉小狹而厚青香二蓼葉相似馬水二蓼葉俱闊大上有黑點諸蓼花皆紅白子赤黑木蓼一名天蓼蔓生葉如柘花黃白子皮青滑其最大者名龍已見別章中蓼者妨稼之草故詩曰以薊荼蓼荼蓼朽止黍稷茂止然于調和有用故內則云膾秋用蓼鴉羹雞羹鴛釀之蓼釀謂切雜之也漢尹郡尉書有種芥葵蓼韭葱諸篇而長沙定王故宮有蓼園周頌曰未堪家多難予又集于蓼蓼辛物故以爲多難之喻越王苦思報吳臥則以蓼楚辭曰蓼蟲不知徙乎葵菜言蓼辛葵甘蟲各安其故不知遷也而魏子曰蓼蟲在蓼則生在芥則死非蓼仁而

芥賊也本不可失

後山談叢何承矩于雄州北築愛景臺植蓼花日至其處吟詩數十首刻石人以謂何六宅愛蓼花不知經始塘泊也

說文解字注蓼辛菜句蒿虞也蓼爲辛菜故內則用以和用其莖葉非用實也蒿虞見下文蒿字下此云蒿蒿虞也下文蒿虞蓼也是爲轉注正與蘇桂佳也桂佳蘇也同特以篆籀異其處耳顏注急就篇乃云虞蓼一名蒿叔重云蓼一名蒿虞非也夫釋草一篇許君僞用異其讀者往往而是其萌蘢蒿爲蔓灌淪也鎬侯莎爲莎鎬侯也藁月爾爲藁土夫也藁葑從爲葑須從也何所疑於蓼評蒿虞哉某氏孫炎郭璞皆蒿爲句虞蓼爲句蓼借爲蓼蕭之蓼長大兒从艸蓼聲盧烏切古音在三部

蛇含

本草經蛇全合是味苦微寒主驚癰寒熱邪氣除

熱金瘡疽痔鼠瘻惡瘡頭瘍一名蛇銜

隔草卷之九 蛇含 女青

別錄無毒療心腹邪氣腹痛濕癰養胎利小兒生益州山谷八月採陰乾陶隱居云卽是蛇銜蛇銜有兩種並生石上當用細葉花者處處有之亦生黃土地不必皆生石上也

唐本草註云全字乃是含陶見誤本宜改爲含含銜義同見古本草也

圖經蛇含生益州山谷今近處亦有之生土石上或下濕地蜀中人家亦種之一莖五葉或七葉此有兩種當用細葉黃色花者爲上八月採根陰乾古經錄驗方治赤癰用蛇銜草搗極爛傅之差赤癰者由冷濕傳於肌中甚卽爲熱乃成赤癰得天熱則劇冷則減是也古今諸丹毒瘡腫方家通用之又下有女青條云蛇銜根也生朱崖陶隱居蘇恭皆以爲若是蛇銜根不應獨生朱崖或云是雀瓢卽蘿摩之別名或云二物同名以相類故也醫家鮮用亦稀識別故但附著於此

抱樸子云蛇銜膏連已斷之指

女青 本草經女青味辛平主蠱毒逐邪惡氣殺鬼溫瘧

辟不祥一名雀瓢

別錄有毒蛇銜根也生朱崖八月採陰乾陶隱居云若是蛇銜不應獨生朱崖俗用是草葉別是一物未詳孰是術云帶此屑一兩則疫癘不犯彌宜識眞者

唐本草注此草卽雀瓢也葉似蘿摩兩葉相對子似瓢形大如棗許故名雀瓢根似白薇生平澤莖葉並臭其蛇銜根都非其類又別錄云葉嫩時似蘿摩圓端大莖實黑莖葉汁黃白色亦與前說相似若是蛇銜根何得苗生益州根在朱崖相去萬里餘也別錄云雀瓢白汁主蟲蛇毒卽女青苗汁也

本草綱目李時珍曰女青有二一是藤生乃蘇恭所說似蘿摩者一種草生則蛇銜根也蛇銜有大小二種葉細者蛇銜用苗莖葉大者爲龍銜用根故王叢外臺祕要龍銜膏用龍銜根煎膏治癰腫金瘡者卽此女青也陳藏器言女青蘿摩不能分別張揖廣雅言女青是葛

類皆是指藤生女青非此女青也別錄明說女青是蛇
銜根一言可據諸家止因其生朱崖致疑非矣方土各
有相傳不同爾况又不知有兩女青乎又羅浮山記云
山有男青似女青此則不知是草生藤生者也按女青
南越筆
記以爲即女貞羅
浮山記之女青也

連翹

本草經連翹味苦平主寒熱鼠瘻癰癰腫惡瘡
瘰癧結熱蠱毒一名異翹一名蘭華一名折根一名軹

一名三廉

爾雅連異翹注一名連苕又名連草本草云

別錄無毒去白蟲生泰山山谷八月採陰乾處處有今

用莖連花實也

唐本注云此物有兩種大翹小翹大翹葉狹長如水蘇

花黃可愛生下濕地著子似椿實之未開者作房翹出

衆草其小翹生崗原之上葉花實皆似大翹而小細山

南人並用之今京下惟用大翹子不用莖花也

圖經云連翹生泰山山谷今近京及河中江寧府澤潤

淄兗鼎岳利諸州南康軍皆有之有大翹小翹二種生
下濕地或山崗上葉青黃而狹長如榆葉水蘇輩莖赤
色高三四尺許花黃可愛秋結實似蓮作房翹出衆草
以此得名根黃如蒿根八月採房陰乾其小翹生岡原
之上葉花實皆似大翹而細南方生者葉狹而小莖短
纔高一二尺花亦黃實房黃黑內含黑子如粟粒一名
早蓮草南人用花葉中品鱧腸亦名早蓮人或以此當
早蓮非也今南中醫家說云連翹蓋有兩種一種似椿
實之未開者壳小緊而外完無附萼剖之則中解氣甚
芬馥其實纔乾振之皆落不著莖也一種乃如菡萏殼
柔外有附萼抱之無解脈亦無香氣乾之雖久著莖不
脫此甚相異也今如菡萏者江南山澤間極多如椿實
者乃自蜀中來用之亦勝江南者據本草言則蜀中來
者爲勝然未見其莖葉如何也

救荒本草連翹今密縣梁家衝山谷中有之科苗高三
四尺莖稈赤色葉如榆葉大面光色青黃邊微細鋸齒

隰草卷之九 連翹 葶藶

又似金銀花葉微尖艸開花黃色可愛結房狀似山梔子蒴微匾而無稜瓣蒴中有子如雀舌樣極小其子折之則片片相比如翹以此得名採嫩葉煤熟換水浸去苦味淘洗淨油鹽調食

葶藶 本草經葶藶味辛寒主癥瘕積聚結氣飲食寒熱破堅逐邪通利水道一名大室一名大適

爾雅葶藶注實葉皆似芥一名狗薺

別錄苦大寒無毒下膀胱水伏留熱氣皮間邪水上出面目浮腫身暴中風熱痺痒利小腹久服令人虛一名丁歷一名葶蒿生藁城平澤及田野立夏後採實陰乾得酒良榆皮爲之使惡蠶蠶石龍芮

圖經曰葶藶生藁城平澤及田野今京東陝西北州郡皆有之曹州者尤勝初春生苗葉高六七寸有似薺根白枝莖俱青三月開花微黃結角子扁小如黍粒微長黃色立秋後採實暴乾月令孟夏之月靡草死許慎鄭康成注皆云靡草薺葶藶之屬是也至夏則枯死故此

時採之張仲景治肺癰喘不得臥葶藶大棗瀉肺湯主之葶藶炒黃色搗末爲丸大如彈丸每服用大棗二十枚水三升煎之取二升然後內入一彈丸更煎取一升頻服之支飲不得息亦主之崔知弟方療上氣欬引長氣不得臥或遍體氣腫或單面腫或足腫並主之葶藶子三升微火熬搗篩爲散以清酒五升漬之冬七日夏三月初服如桃許大日三夜一冬日二夜二量其氣力取微利一二爲度如患急困者不得待日滿亦可以綿細絞卽服其葶藶單莖向上葉端出角角麤且短又有一種苟芥草葉近根下作奇生角細長取時必須分別前件二種也又箴中方治嗽含膏丸曹州葶藶子一兩紙襯熬令黑知母一兩貝母一兩三物同搗篩以棗肉半兩別銷沙糖一兩半同入藥中和爲丸大如彈丸每服以新綿裹丸含之徐徐燕津甚者不過三九今醫家亦多用之

雷公礪炙論凡使勿用赤鬚子真相似葶藶子只是味

微甘苦葶藶子入頂苦凡使以糯米相合於竈上微微焙待米熟去米單搗用

子母秘錄治小兒白禿葶藶搗末以湯洗訖塗上

本草綱目李時珍曰按爾雅云葶藶也郭璞注云實皆似芥一名狗薺然則狗薺卽是葶藶矣蓋葶藶有甜苦二種狗薺味微甘卽甜葶藶也或云甜葶藶是葶藶子考其功用亦似不然

夏枯草 本草經夏枯草味苦辛寒主寒熱癰癰鼠瘻頭瘡破癥散癰結氣腳腫濕痺輕身一名夕句一名乃東別錄無毒一名燕面生蜀郡川谷四月採

圖經曰夏枯草生蜀郡川谷今河東淮淅州郡亦有之冬至後生葉似旋復三月四月開花作穗紫白色似丹參花結子亦作穗至五月枯四月採

簡要濟衆治肝虛目睛疼冷淚不止筋脈痛及眼羞明怕日補肝散夏枯草半兩香附子一兩共爲末每服一錢腦茶調下無時候服

救荒本草夏枯草今祥符西田野中有之苗高二三尺其葉對節生葉似旋復葉而極長大邊有細鋸齒背白上多氣脈紋路葉端開花作穗長二三寸許其花紫白似丹參花葉味苦採嫩葉煤熟換水浸淘去苦味油鹽調食

本草綱目李時珍曰黎居士易簡方夏枯草治目疼用沙糖水浸一夜用取其能解內熱緩肝火也樓全善云夏枯草治目珠疼至夜則甚者神效或用苦寒藥點之反甚者亦神效蓋目珠連目本卽係也屬厥陰之經夜甚及點苦寒藥反甚者夜與寒亦陰故也夏枯稟陰陽之氣補厥陰血脈故治此如神以陽治陰也一男子至夜目珠疼連眉棱骨及頭半邊腫痛用黃連膏點之反甚諸藥不效灸厥陰少陽疼隨止半日又作月餘以夏枯草二兩香附二兩甘草四錢爲末每服一錢半清茶調服下咽則疼減半至四五服良愈矣

旋覆花 本草經旋覆花味鹹溫主結氣脇下滿驚悸除

隔草卷之九 旋覆花 草蒿

水去五臟間寒熱補中下氣一名金沸草一名戴椹
爾雅葢盜庚注旋覆似菊疏葢一名盜庚也

別錄甘微溫冷利有小毒消胸上痰結唾如膠漆心脇
痰水膀胱留飲風氣濕痺皮間死肉目眇眇利大腸
通血脈益色澤一名戴椹其根主風濕生平澤川谷五
月採花日乾二十日成陶隱居云出近道下濕地似菊
花而大又有旋葢根出河南來北國亦有形似芎藭惟
合旋葢膏用之餘無所入非此旋覆花根也

蜀本圖經云旋覆花葉似水蘇黃花如菊今所在皆有
六月至九月採花

圖經曰旋覆花生平澤川谷今所在有之二月已後生
苗多近水傍大似紅藍而無刺長一二尺已來葉如柳
莖細六月開花如菊花小銅錢大深黃色上黨田野人
呼爲金錢花七八月採花暴乾二十日成今近都人家
園圃所蒔金錢花花葉並如上說極易繁盛恐卽此旋
葢也張仲景治傷寒汗下後心下痞堅噫氣不除有七

物旋葢代赭湯又治婦人有三物旋葢湯胡洽有餘痰
飲在兩脇脹滿等旋葢花收效尤多

外臺秘要救急續斷筋法取旋葢花草根淨洗土搗量
瘡大小傅之日一二易以豈爲度

又方砍斫筋斷者以旋葢根搗汁灑瘡中仍用滓封瘡
上十五日卽斷筋便續此方出蘇景仲家療奴用效
本草衍義旋葢花葉如大菊又如艾蒿七八月有花大
如梧桐子花淡黃綠繁茂圓而覆下亦一異也其香過
於菊行痰水去頭目風其味甘苦辛亦走散之藥也其
旋花四月五月有花別一種非此花也

救荒本草旋葢花今處處有之苗多近水傍初生大如
紅花葉而無刺苗長二三尺已來葉似柳葉稍寬大莖
細如蒿葍開花似菊花如銅錢大深黃色花味鹹甘性
溫微冷利有小毒葉味苦採葉燂熱水浸去苦味淘淨
油鹽調食

草蒿 本草經草蒿味苦寒主疥癰癰瘡惡瘡殺蟲留熱

在骨節間明目一名青蒿一名方潰

爾雅蒿藋疏曰蒿一名藋詩小雅云食野之蒿陸璣云青蒿也荊豫之間汝南汝陰皆云藋孫炎云荊楚之間謂蒿爲藋郭云今人呼青蒿香中炙啖者爲藋是也別錄無毒生華陰川澤陶隱居云處處有之卽今青蒿人亦取雜香菜食也

唐本草注云此蒿按傳金瘡大止血生肉止痛良蜀本圖經云葉似茵陳蒿而背不白高四尺許四月五月採苗日乾江東人呼爲狽蒿爲其臭似狽北人呼爲青蒿

圖經曰草蒿卽青蒿也生華陰川澤今處處有之春生苗葉極細嫩時人亦取雜諸香菜食之至夏高四五尺秋後開細淡黃花花下便結子如粟米大八九月間採子陰乾根莖子葉並入藥用乾者炙作飲香尤佳青蒿亦名方潰凡使子勿使葉使根勿使莖四者若同反以成疾得童子小便浸之良治骨蒸勞熱爲最古方多單

用者葛氏冶金刀初傷取生青蒿搗傅上以綿裹瘡血止卽愈崔元亮海上方療骨蒸鬼氣取童子小便五大斗澄過青蒿五斗八九月採帶子者最好細剉二物相和內好大釜中以猛火煎取三大斗去滓淨洗釜令乾再瀉汁安釜中以微火煎可二大斗澄過青蒿卽取豬膽十枚相和煎一大斗半除火待冷以新甕器盛每欲服時取甘草二三兩熟炙搗末以煎和搗一千杵爲丸空腹粥飲下二十九漸增至三十九止

本草衍義草蒿今青蒿也在處有之得春最早人剔以爲蔬根赤葉香今人謂之青蒿亦有所別也但一類之中又取其青色者陝西綏銀之間有青蒿在蒿叢之間時有一兩窠迥然青色土人謂之爲香蒿莖葉與常蒿一同常蒿色淡青此蒿色深青故氣芬芳恐古人所用以深青者爲勝不然諸蒿何嘗不青

嶺外代答大蒿容梧道中久無霜雪處蒿草不凋年深滋長大者可作屋柱小亦中肩輿之杠漕屬王仲顯沿

隔 草 卷 之 九 草 蒿 青 葙 子 藎 草

檄失橋杠從者斫道旁木代之行數里輒脆折怪視之蒿也古有蒿柱之說豈其類乎

說文解字注葑香蒿也詩食野之蒿爾雅毛傳皆云蒿葑也郭璞云今人呼爲青蒿香中炙啖者爲葑從艸叀聲去刃切十二部葑葑或从堅按陸德明曰葑字林作葑

青葙子 本草經青葙子味苦微寒主疔氣皮膚中熱風瘙身痒殺三蟲名草決明療唇口青一名草蒿一名萋蒿

別錄無毒惡瘡疥蝨痔蝕下部醫瘡子生平谷道傍三月採莖葉陰乾五月六月採子陶隱居云處處有似麥棚花其子甚細後又有草蒿別本亦作草萋今卽主療殊相類形名又相似極多足爲疑而實兩種也唐本草注云此草苗高尺許葉細軟花紫白色實作角子黑而扁光似芡實而大生下濕地四月五月採荆襄人名爲崑崙草搗汁單服大療溫瘧甘蠶

圖經云青葙子生平谷道傍今江淮州郡近道亦有之二月內生青苗長三四尺葉闊似柳軟莖似蒿青紅色六月七月內生花上紅下白子黑光而扁有似葑荬根似蒿根而白直下獨莖而生六月八月採子又有一種花黃名陶朱術苗亦相似恐不堪用之

雷斅炮炙論凡用勿使思葑子並鼠細子其二件真似青葙子只是味不同其思葑子甜煎之有涎凡用先燒鐵臼杵單搗用之

本草衍義曰青葙子經中並不言治眼藥性論始言之能治肝藏熱毒衝眼赤障青盲

藎草 本草藎草苦平無毒主久欬止氣喘逆久寒驚悸

痲疥白禿瘍氣殺皮膚小蟲

爾雅藎王芻註藎藎也今呼鷓鴣腳莎疏舍人云一名王芻某氏云藎鹿藎也郭云藎也今呼鷓鴣腳莎詩衛風云瞻彼淇澳藎竹猗猗是也

別錄無毒可以染黃色生青衣川谷九月十月採陶隱

居云青衣在益州西

廣本草注云此葉似竹而細薄莖亦圓小生平澤溪澗之側荆襄人煮以染黃色極鮮好洗瘡有效俗名菴蓐草

說文解字注蕞草也蘇恭掌禹錫皆云俗名菴蓐草爾雅所謂王芻詩淇澳之蓐也按說文有蕞又別有菴則許意蕞非菴矣從草盡聲徐刃切十二部大雅以爲進字

篇蓄

本草經篇蓄味苦平主浸淫疥癩疽痔殺三蟲

爾雅竹篇蓄註似小藜赤莖節好生道傍可食又殺蟲疏李巡曰一物二名也孫炎引詩衛風云藜竹猗猗郭云似小藜赤莖節好生道傍可食又殺蟲按陶隱居本草註云處處有布地而生節間白華葉細綠人謂之篇竹煮汁與小兒飲療虬蟲是也別錄無毒療女子陰蝕生東萊山谷五月採陰乾

藥性論云篇竹使味甘煮汁與小兒服主虬蟲等咬心

心痛面青口中沫出臨死者取十斤細剉以水一石煎去滓成煎如飴空心服蟲自下皆盡也主患痔疾者常取葉搗汁服效治熱黃取汁頓服一升多年者再服之根一握洗去土搗汁服之一升服丹石毒發衝目腫痛又傳熱腫效

圖經曰篇蓄一名篇竹出東萊山谷今在處有之春中布地生道傍苗似瞿麥莖細綠如竹赤莖如釵股節間花出甚細微青黃色根如蒿根四月五月採苗陰乾李衍竹譜篇竹南北在處下濕地俱有之布地而生莖綠紫有節葉似竹醫家用爲利水道藥廣西安南者葉大可煮爲菜

救荒本草篇蓄一名篇竹今在處有之布地生道傍苗似石竹葉微闊嫩綠如竹赤莖如釵股節間花出甚細淡桃紅色結小細子根如蒿根葉苗味苦採苗葉煤熟水淘淨油鹽調食

按直隸鄉村中亦呼爲竹葉菜

資暇錄詩衛風淇澳篇云藜竹漪漪按陸璣草木疏稱

隔 草 卷 之 九 蕭 蓄

郭璞云菴王芻也今呼爲鴨腳莎一名卽鹿蓐草又云蕭竹似小藜赤莖節韓詩作溝亦云溝蕭竹則明知非筍竹矣今爲辭賦皆引漪漪入竹事大誤也當時謝莊竹贊云瞻彼中唐綠竹漪漪便襲其謬

毛詩陸疏廣要竹爾雅云竹蕭蓄郭註似小藜赤莖節好生道傍可食又殺蟲李巡曰一物二名也孫炎引詩衛風云菴竹漪漪按陶隱居本草註云處處有布地而生節間白華葉細綠人謂之蕭竹鬻汁與小兒飲療虻蟲鄭註卽蕭竹也韓詩綠溝漪漪蕭蓄筑也陸德明曰薄蕭竹也石經同蕭竹亦作扁竹蜀本草云葉如竹莖有節細如釵股生下濕地圖經云春中布地生道傍苗似瞿麥葉細綠如竹赤莖如釵股節間花出甚細微青黃色根如蒿根爾雅翼云九章曰擘大薄之芳蒨兮擘長洲之宿莽惜吾不及古之人兮吾誰與玩此芳草解蕭蓄與雜菜今備以爲交佩王逸曰言已解折蕭蓄雜以香菜合而佩之修飾彌盛也然蕭蓄雜菜皆非芳草

逸義非是蓋言解去蕭蓄與雜菜而佩芳蒨宿莽爲交佩爾然則竹又惡物與衛風相反耶又云蕭蓄旣似竹則宜謂之竹爾按璣所說則又合錄與竹爲一草未知其審然古今說者皆言淇水旁自生竹箭故古人言伐竹淇衛又曰淇衛之箭如此多矣蓋淇水宜竹箭自古已然然說文引詩作箴竹韓詩作錄澁菴旣非色而薄蕭蓄筑也然則淇澳自出竹箭不妨兼有菴竹二草耶按錄一作菴王芻也竹一作薄蕭蓄也毛詩說皆同而竹譜朱傳皆以爲卽漢書淇園之竹酈道元云淇川無竹惟王芻蕭草不異毛興劉執中云淇水之旁至今多美竹豈淇園之竹在後魏無復遺種而至宋更滋茂乎然據兩漢書淇澳有竹據水經注有王芻蕭草毛韓朱三家各自可通陸璣又以菴竹爲一草名古今並無從其說者今木賊草醫方通用木工以治器但無華葉寸寸有節與陸說有葉者稍殊未知卽一物否也爾雅釋

蕩莽等在草中然實非草類王元美所云竹於草木如魚於禽獸是也其類至多山海經帝俊竹其谷竹鉤端竹尋竹禮斗威儀篲竹吳越春秋晉竹述異記斑竹孤竹孝竹呂覽嶸谷竹南都賦籊籊簞簞篲篲篲篲吳都賦簞簞林筵桂箭射筒柚梧簞簞竹譜單名者衛篲棘單苦甘弓筴筴籊簞蓋狗蘆簞之屬雙名者蘇麻般腸百葉雞脰篲簞之屬廣志有雲母攤篲漢利之屬酉陽雜俎有篲簞之屬筴譜至八十五種竹筴及諸方志有疎節人面綿貓叢澀碧玉電斑之屬難以具載然多出交廣荒外非詩人所盡見也竹田曰篲竹胎曰筴竹膚曰篲竹皮曰筴竹裏曰笨竹枚曰篲竹約曰節剖竹未去節曰籊竹死曰籊竹有雌雄雄者多筴五月十三日謂之竹醉日栽竹多茂盛其性惡寒好溫故曰九河鮮育五嶺實繁然處處有之不似蕭蒿但盛於淇川也上文皆馮嗣宗辨證可謂詳明博雅矣但遍搜陸疏刻本並未載木賊惟馮本多其草澀礪可以洗攪筴及盤

枕利於刀錯俗呼爲木賊數語因多木賊草一辨然木賊產秦隴間不聞產於淇衛未知昔人何以云然

按蕭蒿木賊近水處皆有何止盛於淇衛秦隴蕭蒿北方謂之竹葉菜滇南尙呼蕭蒿古語流傳及於遐裔注書者拘文牽義殆猶愧之

說文解字注蕭水蕭莧也謂蕭莧之生於水者謂之蕭也統言則曰蕭莧析言則有水陸之異異其名因異其字詩衛風綠竹猗猗音義曰竹韓詩作蕭蕭莧也石經亦作蕭按石經者蓋漢一字石經魯詩也西京賦李注引韓詩綠葦如簞玉篇曰葦同蕭從草水毒聲讀若督徒沃切三部蕭蕭莧也三字句釋草云竹蕭蒿按竹者釋毛詩衛風之竹也韓魯詩皆作蕭毛詩獨段借作竹爾雅與毛詩合蕭蒿韻通用本草經亦作蕭蒿从艸扁聲方沔切十二部蕭蕭莧也從草筑省聲陟玉切三部按此不云巩聲而云筑省聲者以巩字工聲筑字竹亦聲也莧篆錯本在後菩下范上

陸英

本草經陸英味苦寒主骨間諸痺四肢拘攣疼酸膝寒痛陰痿短氣不足腳腫

別錄無毒生熊耳川谷及冤句立秋採

唐本草注此卽蒟蒻是也後人不識浪出蒟蒻條此葉似芹及接骨花亦一類故芹名水英此名陸英接骨樹名木英此三英也花葉並相似

圖經曰陸英生熊耳川谷及冤句蒟蒻不載所出州土但云生田野今所在有之春抽苗莖有節節間生枝葉大似水芹及接骨春夏採葉秋冬採根莖或云卽陸英也本經別立一條陶隱居亦以爲一物蘇恭云藥對及古方有蒟蒻無言陸英明非別物今注以性味不同疑非一種謂其類耳然亦不能細別再詳陸英條不言所用蒟蒻條云用葉根莖蓋一物而所用別故性味不同何以明之蘇恭云此葉似芹及接骨花亦一類故芹名水英此名陸英接骨名木英此三英花葉並相似又按爾雅云華荂也華荂榮也木謂之華草謂之榮不榮而

實者謂之秀榮而不實者謂之英然則此物既有英名當是其花耳故本經云陸英立秋採立秋正是其花時也又葛氏方有用蒟蒻者有用蒟蒻根者有用葉者三用各別正與經載三時所採者相會謂陸英爲花無疑也

本草綱目李時珍曰陶蘇本草甄權藥性論皆言陸英卽蒟蒻必有所據馬志寇宗奭雖破其說而無的據仍當是一物分根莖花葉用如蘇頌所云也

按諸說多以陸英蒟蒻爲一物但主治不同今滇南有一種全類陸英而結子黑色破其莖有紅汁俗呼血滿草浸腿腳治腫痺極效或卽陸英也

蒟蒻

別錄蒟蒻味酸溫有毒主風瘙癢癰身痒濕痺可作浴湯一名葦草一名芟生田野春夏採葉秋冬採莖根陶隱居云田野墟村中甚多絕療風痺痒痛多用傳洗不堪入服亦有酒漬根梢飲之者唐本草註此陸英也剝出此條爾雅云芟葦草郭註云

烏頭苗也檢三葦別名又無此者蜀人謂烏頭苗爲葦草陶引此條不知所出處藥對及古方無蒟藳唯言陸英也

本草衍義蒟藳與陸英既性味及出產處不同治療又別自是二物斷無疑焉况蒟藳花白子初青如菉豆顆每朵如盞面大又平生有一二百子十月方熟紅豈得言剩出此條孟浪之甚也

按蒟藳今通呼爲接骨草市醫以爲要藥白花成簇俗呼真珠花子如珊瑚又呼珊瑚花氣味近臭多生廢園蕪穢處圖經以爲葉似水芹綱目以爲每枝五葉皆極確然葉莖深青葉對排甚密故市醫名爲排風籐又呼爲鐵籐色皆以形色呼之

說文解字注蒟藳草也依集韻類篇李仁甫本作葦廣韻葦謹音藳也名醫別錄蒟藳一名葦草一名葦按下攷文內有葦字云根如薺葉如細柳未知是一否凡物有異名同實者釋草曰葦葦草陸德明謂卽本草之

蒟藳按郭釋以烏頭烏頭名葦見國語而葦名無見陸說爲長鑑本草作釐一曰拜商藳釋草商作藳說文言一曰者有二例一是兼採別說一是同物二名此一日未詳何屬疑葦草爲蒟藳拜商藳爲今之灰藳也灰藳似藜左傳斬之蓬蒿藜藳李贛本商作藳宋麻沙大徐本亦作藳蓋許所據爾雅不同今本从艸藳聲徒弔切二部葦藳艸也見上从艸及聲讀若急居立切七部

王不留行

本草經王不留行味苦主金瘡止血逐痛

出刺除風痺內寒久服輕身耐老增壽

別錄甘平無毒止心煩鼻衄癰疽惡瘡瘻乳婦人難產生泰山山谷二月八月採陶隱居云今處處有人言是蓼子亦不爾葉似酸漿子似菰子而多入癰瘻方用之蜀本草經云葉似松藍等花紅白色子殼似酸漿實圓黑似菰子如黍粒今所在有之三月收苗五月收子曬乾

圖經王不留行生泰山山谷今江浙及並河近處皆有